

कृष्ण यजुर्वेदीय तैत्तिरीय संहिता, पद, जटा, घन पाठः

6.6 षष्ठकाण्डे षष्ठः प्रश्नः - सोममन्त्रब्राह्मणनिरूपणं

## Contents

1	TS 6.6.1.1	5
2	TS 6.6.1.2	6
3	TS 6.6.1.3	6
4	TS 6.6.1.4	7
5	TS 6.6.1.5	8
6	TS 6.6.2.1	9
7	TS 6.6.2.2	10
8	TS 6.6.2.3	11
9	TS 6.6.3.1	11
10	TS 6.6.3.2	12
11	TS 6.6.3.3	13
12	TS 6.6.3.4	14
13	TS 6.6.3.5	15

14	TS 6.6.4.1	16
15	TS 6.6.4.2	17
16	TS 6.6.4.3	18
17	TS 6.6.4.4	19
18	TS 6.6.4.5	20
19	TS 6.6.4.6	21
20	TS 6.6.5.1	21
21	TS 6.6.5.2	22
22	TS 6.6.5.3	23
23	TS 6.6.5.4	24
24	TS 6.6.6.1	25
25	TS 6.6.6.2	26
26	TS 6.6.7.1	26
27	TS 6.6.7.2	27

28	TS 6.6.7.3	28
29	TS 6.6.7.4	29
30	TS 6.6.8.1	30
31	TS 6.6.8.2	31
32	TS 6.6.8.3	32
33	TS 6.6.8.4	33
34	TS 6.6.9.1	34
35	TS 6.6.9.2	34
36	TS 6.6.10.1	36
37	TS 6.6.10.2	37
38	TS 6.6.11.1	38
39	TS 6.6.11.2	38
40	TS 6.6.11.3	39
41	TS 6.6.11.4	40

**42 TS 6.6.11.5**

**41**

**43 TS 6.6.11.6**

**42**

# 1 TS 6.6.1.1

## TS 6.6.1.1

### Samhita Paata

सुवर्गाय वा एतानि॑ लो॒काय॑ हूयन्ते॒ यद्-दाक्षि॑णानि॒ द्वाभ्यां॑ गार॒हप॑त्ये जुहोति॒ द्विपा॑द्-यज॑मानः  
प्रति॑ष्ठित्या॒ आग्नी॑द्धे जुहोत्यन्तरि॑क्ष एवाऽऽ\*क्रम॑ते सदोऽभ्यैति॑ सुव॒र्गमे॒वैनं॑ लो॒कं ग॑मयति सौरी॑भ्यामृ॒ग्भ्यां॑  
गार॒हप॑त्ये जुहोत्यमु॒मेवैनं॑ लो॒कः स॒मारो॑हयति॒ नय॑वत्यर्चाऽऽ\*ग्नी॑द्धे जुहोति सुव॒र्गस्य॑ लो॒कस्या॑भिनी॒त्यै  
दिवं॑ गच्छ॒ सुवः॑ पु॒तेति॑ हिर॑ण्यः- [ ]

### Pada Paata

सुव॒र्गायेति॑ सुवः - गाय॑ । वै । ए॒तानि॑ । लो॒काय॑ । हूय॑न्ते । यत् । दाक्षि॑णानि॒ । द्वाभ्या॑म्  
। गार॒हप॑त्य इति॒ गार॒ह - प॑त्ये । जुहो॑ति । द्विपा॑दिति॒ द्वि - पा॑त् । यज॑मानः । प्रति॑ष्ठित्या॒  
इति॑ प्रति॒ - स्थि॑त्यै । आग्नी॑द्ध इत्याग्नि॑ - इद्धे । जुहो॑ति । अ॒न्तरि॑क्षे । ए॒व । एति॑ । क्र॒म॒ते ।  
सदः॑ । अ॒भि । एति॑ । एति॑ । सुव॒र्गमि॑ति॒ सुवः - ग॑म् । ए॒व । ए॒नम् । लो॒कम् । ग॑म॒यति॑  
। सौरी॑भ्याम् । ऋ॒ग्भ्यामित्यृ॑क् - भ्याम् । गार॒हप॑त्य इति॒ गार॒ह-प॑त्ये । जुहो॑ति । अ॒मुम् ।  
ए॒व । ए॒नम् । लो॒कम् । स॒मारो॑हय॒तीति॑ सं - आ॒रो॒हय॑ति । नय॑वत्येति॒ नय॑ - व॒त्या । ऋ॒चा ।  
आग्नी॑द्ध इत्याग्नि॑ - इद्धे । जुहो॑ति । सुव॒र्गस्येति॑ सुवः - ग॑स्य॑ । लो॒कस्य॑ । अ॒भिनी॑त्य इत्य॒भि  
- नी॒त्यै । दि॒वम् । ग॒च्छ । सु॒वः । पु॒त् । इति॑ । हि॒र॒ण्यम् ।

## 2 TS 6.6.1.2

### TS 6.6.1.2

#### Samhita Paata

हु॒त्वोद्-गृ॑ह्णाति सु॒व॒र्गमे॒वैनं॑ लो॒कं ग॑मयति रू॒पेण॑ वो रू॒पम॒भ्यैमी॑त्याह रू॒पेण॑ ह्या॒साः रू॒पम॒भ्यैति॑  
यद्वि॒र॒ण्येन॑ तु॒थो वो वि॒श्ववे॑दा वि भ॒ज॒त्वित्या॑ह तु॒थो ह॑ स्म॒ वै वि॒श्ववे॑दा दे॒वानां॑ दक्षि॑णा वि भ॒जति॑  
तेनै॒वैना॑ वि भ॒जत्ये॑ तत् ते अ॒ग्रे राध॑- [ ]

#### Pada Paata

हु॒त्वा । उ॒दि॒ति । गृ॑ह्णाति । सु॒व॒र्गमि॒ति सु॒वः - ग॒म् । ए॒व । ए॒न॒म् । लो॒कम् । ग॒म॒य॒ति ।  
रू॒पेण॑ । वः । रू॒पम् । अ॒भि । ए॒ति । ए॒मि॒ । इ॒ति । आ॒ह । रू॒पेण॑ । हि । आ॒साम् ।  
रू॒पम् । अ॒भि । ए॒ति । ए॒ति । यत् । वि॒र॒ण्येन॑ । तु॒थः । वः । वि॒श्ववे॑दा इति॑ वि॒श्व - वे॒दाः  
। वी॒ति । भ॒ज॒तु । इति॑ । आ॒ह । तु॒थः । ह॒ । स्म॒ । वै । वि॒श्ववे॑दा इति॑ वि॒श्व - वे॒दाः ।  
दे॒वानां॑ । दक्षि॑णाः । वी॒ति । भ॒ज॒ति । तेन॑ । ए॒व । ए॒नाः । वी॒ति । भ॒ज॒ति । ए॒तत् ।  
ते । अ॒ग्रे । राधः॑ ।

## 3 TS 6.6.1.3

### TS 6.6.1.3

#### Samhita Paata

ऐति॑ सोम॑च्यु॒तमित्या॑ह॒ सोम॑च्यु॒तः॑ ह्यस्य॒ राध॑ ऐति॑ तन्मि॒त्रस्य॑ प॒था न॒येत्या॑ह॒ शान्त्या॑ ऋ॒तस्य॑  
प॒था प्रे॑तं च॒न्द्र दक्षि॑णा॒ इत्या॑ह॒ स॒त्यं वा॑ ऋ॒तः॑ स॒त्येनै॒वैना॑ ऋ॒तेन॑ वि भ॑जति॒ य॒ज्ञस्य॑ प॒था सु॑वि॒ता  
नय॑न्तीरि॒त्याह॑ य॒ज्ञस्य॒ ह्येताः॑ प॒था यन्ति॑ यद्-दक्षि॑णा ब्रा॒ह्मण॑म॒द्य रा॑द्व्यास॒- [ ]

### Pada Paata

एति॑ । ए॒ति । सोम॑च्यु॒तमि॒ति सोम॑ - च्यु॒तम् । इति॑ । आ॒ह । सोम॑च्यु॒तमि॒ति सोम॑ - च्यु॒तम्  
। हि । अ॒स्य । राधः॑ । एति॑ । एति॑ । तत् । मि॒त्रस्य॑ । प॒था । न॒य । इति॑ । आ॒ह ।  
शान्त्यै॑ । ऋ॒तस्य॑ । प॒था । प्रेति॑ । इ॒त् । च॒न्द्रदक्षि॑णा॒ इति॑ च॒न्द्र - दक्षि॑णाः । इति॑ । आ॒ह  
। स॒त्यम् । वै । ऋ॒तम् । स॒त्येन॑ । ए॒व । ए॒नाः । ऋ॒तेन॑ । वीति॑ । भ॑जति॒ । य॒ज्ञस्य॑ ।  
प॒था । सु॑वि॒ता । नय॑न्तीः । इति॑ । आ॒ह । य॒ज्ञस्य॑ । हि । ए॒ताः । प॒था । यन्ति॑ । यत्  
। दक्षि॑णाः । ब्रा॒ह्मण॑म् । अ॒द्य । रा॑द्व्यास॒म् ।

## 4 TS 6.6.1.4

### TS 6.6.1.4

### Samhita Paata

मृषि॑मार॒षेय॑मित्या॒हैष वै ब्रा॑ह्मण ऋषि॑रार॒षेयो यः शु॑श्रु॒वान् तस्मा॑दे॒वमा॑ह॒ वि सु॒वः पश्य॑ व्य॒न्तरि॑क्ष॒मित्या॑ह॒  
सु॒वर्गमे॒वैनं॑ लो॒कं ग॑मयति॒ यत॑स्व स॒दुस्यै॑रि॒त्याह॑ मि॒त्रत्वा॒यास्मद्वा॑त्रा दे॒वत्रा॑ गच्छ॒त मधु॑मतीः  
प्र॒दा॒तार॒मा वि॑श॒तेत्या॑ह॒ व॒यमि॑ह प्र॒दा॒तारः॑ स्मोऽस्मा॑न्मु॒त्र मधु॑मती॒रा वि॑श॒तेति॑- [ ]



**Pada Paata**

ऋषि॑म् । आ॒रु॒षे॒यम् । इति॑ । आ॒ह । ए॒षः । वै । ब्रा॒ह्म॒णः । ऋषिः॑ । आ॒रु॒षे॒यः । यः ।  
 शु॒श्रु॒वान् । तस्मा॑त् । ए॒वम् । आ॒ह । वी॒ति । सु॒वः । पश्य॑ । वी॒ति । अ॒न्तरि॑क्षम् । इति॑  
 । आ॒ह । सु॒व॒र्गमि॑ति सु॒वः-गम् । ए॒व । ए॒नम् । लो॒कम् । ग॒म॒य॒ति । यत॑स्व । स॒दु॒स्यैः  
 । इति॑ । आ॒ह । मि॒त्र॒त्वाये॑ति मि॒त्र - त्वाय॑ । अ॒स्मद्दा॑त्रा इत्य॒स्मत् - दा॑त्राः । दे॒व॒त्रेति॑ दे॒व  
 - त्रा । ग॒च्छ॒त । मधु॑मती॒रिति॑ मधु॑ - म॒तीः । प्र॒दा॒ता॒रमि॑ति प्र - दा॒ता॒रम् । एति॑ । वि॒श॒त  
 । इति॑ । आ॒ह । व॒यम् । इ॒ह । प्र॒दा॒ता॒र इति॑ प्र - दा॒ता॒रः । स्मः । अ॒स्मान् । अ॒मुत्र॑ ।  
 मधु॑मती॒रिति॑ मधु॑ - म॒तीः । एति॑ । वि॒श॒त । इति॑ ।

**5 TS 6.6.1.5****TS 6.6.1.5****Samhita Paata**

वा॒वैत॑दा॒ह॒ हिर॑ण्यं द॒दाति॑ ज्योति॒र्वै हिर॑ण्यं ज्योति॒रे॒व पु॒रस्ता॑द्ध॒त्ते सु॒व॒र्गस्य॑ लो॒कस्या॑नु॒ख्या॒त्या  
 अ॒ग्नी॒धे द॒दात्य॑ग्निमु॒खाने॑व॒र्तून् प्री॑णाति ब्र॒ह्म॒णे द॒दाति॑ प्र॒सू॒त्यै हो॒त्रे द॒दात्या॑त्मा वा ए॒ष य॒ज्ञस्य॑  
 य॒द्धोता॑ऽऽत्मान॑मे॒व य॒ज्ञस्य॑ दक्षि॑णाभिः स॒मर्द्ध॑यति ॥

**Pada Paata**

वा॒व । ए॒तत् । आ॒ह । हिर॑ण्यम् । द॒दा॒ति । ज्योतिः॑ । वै । हिर॑ण्यम् । ज्योतिः॑ ।  
 ए॒व । पु॒रस्ता॑त् । ध॒त्ते । सु॒व॒र्गस्ये॑ति सु॒वः - ग॒स्य । लो॒कस्य॑ । अ॒नु॒ख्या॒त्या इत्य॑नु॒ -

ख्यात्यै । अग्नीध्र इत्यग्नि - इधे । ददाति । अग्निमुखानित्यग्नि - मुखान् । एव । ऋतून् ।  
 प्रीणाति । ब्रह्मणे । ददाति । प्रसूत्या इति प्र-सूत्यै । होत्रे । ददाति । आत्मा । वै । एषः  
 । यज्ञस्य । यत् । होता । आत्मानम् । एव । यज्ञस्य । दक्षिणाभिः । समितिं । अर्धयति ॥

## 6 TS 6.6.2.1

### TS 6.6.2.1

#### Samhita Paata

समिष्ट यजूंषि जुहोति यज्ञस्य समिष्ट्यै यद्वै यज्ञस्य कूरं यद्-विलिष्टं यदुत्येति यन्नात्येति यदतिकरोति  
 यन्नापि करोति तदेव तैः प्रीणाति नवं जुहोति नवं वै पुरुषे प्राणाः पुरुषेण यज्ञः सम्मितो यावानेव  
 यज्ञस्तं प्रीणाति षट् ऋग्मियाणि जुहोति षड्वा ऋतवं ऋतून् प्रीणाति त्रीणि यजूंषि- [ ]

#### Pada Paata

समिष्टयजूंषीति समिष्ट - यजूंषि । जुहोति । यज्ञस्य । समिष्ट्या इति सं - इष्ट्यै । यत् । वै  
 । यज्ञस्य । कूरम् । यत् । विलिष्टमिति वि - लिष्टम् । यत् । अत्येतीत्यति - एति । यत् । न  
 । अत्येतीत्यति - एति । यत् । अतिकरोतीत्यति - करोति । यत् । न । अपीति । करोति ।  
 तत् । एव । तैः । प्रीणाति । नवं । जुहोति । नवं । वै । पुरुषे । प्राणा इति प्र - अनाः ।  
 पुरुषेण । यज्ञः । सम्मित इति सं - मितः । यावान् । एव । यज्ञः । तम् । प्रीणाति । षट्  
 । ऋग्मियाणि । जुहोति । षट् । वै । ऋतवं । ऋतून् । एव । प्रीणाति । त्रीणि । यजूंषि ।

## 7 TS 6.6.2.2

### TS 6.6.2.2

#### Samhita Paata

त्रयं इमे लोका इमानेव लोकान् प्रीणाति यज्ञं यज्ञं गच्छ यज्ञपतिं गच्छेत्याह यज्ञपतिमेवैनं गमयति  
स्वां योनिं गच्छेत्याह स्वामेवैनं योनिं गमयत्येष ते यज्ञो यज्ञपते सहसूक्तवाकः सुवीर इत्याह  
यजमान एव वीर्यं दधाति वासिष्ठो ह सात्यहव्यो देवभागं पप्रच्छ यत् सृञ्ज्यान् बहुयाजिनोऽयीयजो  
यज्ञे- [ ]

#### Pada Paata

त्रयः । इमे । लोकाः । इमान् । एव । लोकान् । प्रीणाति । यज्ञं । यज्ञम् । गच्छ ।  
यज्ञपतिमिति यज्ञ - पतिम् । गच्छ । इति । आह । यज्ञपतिमिति यज्ञ - पतिम् । एव । एनम्  
। गमयति । स्वाम् । योनिम् । गच्छ । इति । आह । स्वाम् । एव । एनम् । योनिम् ।  
गमयति । एषः । ते । यज्ञः । यज्ञपत इति यज्ञ - पते । सहसूक्तवाक् इति सहसूक्त - वाक्ः  
। सुवीर इति सु - वीरः । इति । आह । यजमाने । एव । वीर्यम् । दधाति । वासिष्ठः ।  
ह । सात्यहव्य इति सात्य - हव्यः । देवभागमिति देव - भागम् । पप्रच्छ । यत् । सृञ्ज्यान्  
। बहुयाजिन इति बहु - याजिनः । अयीयजः । यज्ञे ।

## 8 TS 6.6.2.3

### TS 6.6.2.3

#### Samhita Paata

य॒ज्ञं प्र॒त्यंति॑ष्टि॒पा(३) य॒ज्ञ॒प॒ता(३)वि॒ति स हो॑वाच य॒ज्ञ॒प॒ता॒वि॒ति स॒त्याद्वै सृ॒ञ्ज॑याः परा॑ ब॒भूवु॑रिति  
होवाच य॒ज्ञे वाव॑ य॒ज्ञः प्र॒ति॒ष्ठाप्य॑ आसीद्-यज॑मान॒स्या-प॑राभावा॒येति॑ देवा॑ गा॒तुवि॑दो गा॒तुं वि॒त्त्वा  
गा॒तु -मि॒तेत्या॑ह य॒ज्ञ ए॒व य॒ज्ञं प्र॒ति॑ ष्ठापयति॑ यज॑मान॒स्या-प॑राभावाय ॥

#### Pada Paata

य॒ज्ञम् । प्र॒तीति॑ । अ॒ति॒ष्टि॒पा(३)ः । य॒ज्ञ॒प॒ता(३)वि॒ति य॒ज्ञ-प॒ता(३)उ । इति॑ । सः । ह॒ । उ॒वाच॑  
। य॒ज्ञ॒प॒ता॒वि॒ति य॒ज्ञ-प॒तौ । इति॑ । स॒त्यात् । वै । सृ॒ञ्ज॑याः । परेति॑ । ब॒भूवुः । इति॑ । ह॒ ।  
उ॒वाच॑ । य॒ज्ञे । वाव॑ । य॒ज्ञः । प्र॒ति॒ष्ठाप्य॑ इति॑ प्रति - स्थाप्यः । आसीत् । यज॑मानस्य ।  
अप॑राभावा॒येत्यप॑रा - भा॒वाय॑ । इति॑ । देवाः॑ । गा॒तुवि॑द इति॑ गा॒तु - वि॒दुः । गा॒तुम् । वि॒त्त्वा  
। गा॒तुम् । इ॒त् । इति॑ । आ॒ह॒ । य॒ज्ञे । ए॒व । य॒ज्ञम् । प्र॒तीति॑ । स्था॒प॒य॒ति॑ । यज॑मानस्य  
। अप॑राभावा॒येत्यप॑रा- भा॒वाय॑ ॥

## 9 TS 6.6.3.1

### TS 6.6.3.1

#### Samhita Paata

अ॒व॒भृ॒थ॒-य॒जू॒षि॑ जु॒होति॑ यदे॒वा॒र्वा॒ची॒न॒-मे॒क॑हा॒य॒ना॒दे॒नः॑ क॒रोति॑ तदे॒व तै॒रव॑ यज॒ते ऽपो॑ऽव॒भृ॒थ॒-म॒वै॒त्य॒प्सु॑  
वै वरु॑णः सा॒क्षादे॒व वरु॑ण॒मव॑ यज॒ते व॒र्त्म॑ना वा अ॒न्वित्य॑ य॒ज्ञ॑ र॒क्षा॑सि जिघा॑सन्ति साम्ना॑  
प्र॒स्तो॒ताऽन्व॑वैति॑ साम॒ वै र॑क्षो॒हा र॑क्ष॑साम॒प॒ह॒त्यै त्रि॒र्नि॒ध॒न॒मु॒पैति॑ त्रयं॑ इ॒मे लो॒का ए॒भ्य ए॒व लो॒केभ्यो॑  
र॒क्षा॑- [ ]

### Pada Paata

अ॒व॒भृ॒थ॒य॒जू॒षी॒त्य॒व॒भृ॒थ॒ - य॒जू॒षि॑ । जु॒होति॑ । यत् । ए॒व । अ॒र्वा॒ची॒न॑म् । ए॒क॑हा॒य॒ना॒दि॒त्ये॒क॑ -  
हा॒य॒ना॒त् । ए॒नः॑ । क॒रोति॑ । तत् । ए॒व । तैः॑ । अ॒वेति॑ । य॒ज॒ते । अ॒पः । अ॒व॒भृ॒थ॒मि॒त्य॒व॒  
- भृ॒थ॒म् । अ॒वेति॑ । ए॒ति । अ॒प्स्वि॒त्य॒प् - सु॑ । वै । वरु॑णः । सा॒क्षा॒दि॒ति॑ स - अ॒क्षा॒त्  
। ए॒व । वरु॑णम् । अ॒वेति॑ । य॒ज॒ते । व॒र्त्म॑ना । वै । अ॒न्वि॒त्ये॒त्य॒नु॒ - इ॒त्य॑ । य॒ज्ञ॒म्  
। र॒क्षा॑सि । जिघा॑सन्ति । साम्ना॑ । प्र॒स्तो॒तेति॑ प्र - स्तो॒ता । अ॒न्व॑वै॒तीत्य॑नु॒ - अ॒वैति॑ ।  
साम॑ । वै । र॒क्षो॒हेति॑ र॒क्षः - हा॑ । र॒क्ष॑साम् । अ॒प॒ह॒त्या॒ इत्य॑प॒ - ह॒त्यै । त्रिः । नि॒ध॒न॒मि॒ति॑  
नि - ध॒न॑म् । उ॒पेति॑ । ए॒ति । त्रयः॑ । इ॒मे । लो॒काः । ए॒भ्यः । ए॒व । लो॒केभ्यः॑ । र॒क्षा॑सि ।

## 10 TS 6.6.3.2

### TS 6.6.3.2

#### Samhita Paata

-स्य॑प॒ ह॒न्ति॑ पु॒रु॑षःपु॒रु॑षो नि॒ध॒न॒मु॒पैति॑ पु॒रु॑षःपु॒रु॑षो हि र॑क्ष॒स्वी र॑क्ष॑साम॒प॒ह॒त्या उ॒रु॑ हि राजा॒  
वरु॑णश्च॒कारे॒त्याह॑ प्र॒ति॒ष्ठि॒त्यै श॒तं ते॑ राजन् भि॒षजः॑ स॒हस्र॑मि॒त्याह॑ भेष॒जमे॒वास्मै॑ करोत्य॒भि॒ष्टि॒तो

वरुणस्य पाश इत्याह वरुणपाशमेवाभि तिष्ठति बरु.हिरभि जुहोत्याहुतीनां प्रतिष्ठित्या अथो अग्निवत्येव जुहोत्यपं बरु.हिषः प्रयाजान्- [ ]

### Pada Paata

अपेति । हन्ति । पुरुषःपुरुष इति पुरुषः - पुरुषः । निधनमिति नि - धनम् । उपेति । एति । पुरुषःपुरुष इति पुरुषः - पुरुषः । हि । रक्षस्वी । रक्षसाम् । अपंहत्या इत्यपं - हृत्यै । उरुम् । हि । राजा । वरुणः । चकार । इति । आह । प्रतिष्ठित्या इति प्रति-स्थित्यै । शतम् । ते । राजन् । भिषजः । सहस्रम् । इति । आह । भेषजम् । एव । अस्मै । करोति । अभिष्ठित इत्यभि - स्थितः । वरुणस्य । पाशः । इति । आह । वरुणपाशमिति वरुण - पाशम् । एव । अभीति । तिष्ठति । बरु.हिः । अभीति । जुहोति । आहुतीनामित्या - हुतीनाम् । प्रतिष्ठित्या इति प्रति - स्थित्यै । अथो इति । अग्निवतीत्यग्नि - वति । एव । जुहोति । अपंबरु.हिष इत्यपं - बरु.हिषः । प्रयाजानिति प्र - याजान् ।

## 11 TS 6.6.3.3

### TS 6.6.3.3

#### Samhita Paata

यजति प्रजा वै बरु.हिः प्रजा एव वरुणपाशान्-मुञ्चत्याज्यभागौ यजति यज्ञस्यैव चक्षुषी नान्तरेति वरुणं यजति वरुणपाशादेवैनं मुञ्चत्यग्नीवरुणौ यजति साक्षादेवैनं वरुणपाशान् मुञ्चत्य-पंबरु.हिषावनूयजौ यजति प्रजा वै बरु.हिः प्रजा एव वरुणपाशान्-मुञ्चति चतुरः प्रयाजान्. यजति द्वावनूयजौ षट्थं संपद्यन्ते षड्वा ऋतव- [ ]

**Pada Paata**

य॒ज॒ति । प्र॒जा इति॑ प्र - जाः । वै । ब॒र॒हिः । प्र॒जा इति॑ प्र-जाः । ए॒व । व॒रु॒ण॒पा॒शादि॑ति वरुण  
 - पा॒शात् । मु॒ञ्च॒ति । आ॒ज्य॑भा॒गावि॒त्याज्य॑ - भा॒गौ । य॒ज॒ति । य॒ज्ञस्य॑ । ए॒व । चक्षु॑षी इति ।  
 न । अ॒न्तः । ए॒ति । वरु॑णम् । य॒ज॒ति । व॒रु॒ण॒पा॒शादि॑ति वरुण - पा॒शात् । ए॒व । ए॒नम् ।  
 मु॒ञ्च॒ति । अ॒ग्नीवरु॑णावि॒त्यग्नी॑ - वरु॑णौ । य॒ज॒ति । सा॒क्षादि॑ति स - अ॒क्षात् । ए॒व । ए॒नम् ।  
 व॒रु॒ण॒पा॒शादि॑ति वरुण - पा॒शात् । मु॒ञ्च॒ति । अप॑ब॒र॒हिषा॒वित्य॑प - ब॒र॒हिषौ॑ । अ॒नूया॒जावि॒त्यनु॑  
 - या॒जौ । य॒ज॒ति । प्र॒जा इति॑ प्र - जाः । वै । ब॒र॒हिः । प्र॒जा इति॑ प्र - जाः । ए॒व ।  
 व॒रु॒ण॒पा॒शादि॑ति वरुण - पा॒शात् । मु॒ञ्च॒ति । च॒तुर॑ः । प्र॒या॒जानि॑ति प्र - या॒जान् । य॒ज॒ति । द्वौ  
 । अ॒नूया॒जावि॒त्यनु॑ - या॒जौ । षट् । समि॑ति । प॒द्यन्ते॑ । षट् । वै । ऋ॒तवः॑ ।

**12 TS 6.6.3.4****TS 6.6.3.4****Samhita Paata**

ऋ॒तुष्वे॒व प्र॑ति॒ तिष्ठ॑-त्य॒व॒भृथ॑-नि॒चङ्कु॑णे॒त्याह॑ यथो॒दित॑मे॒व वरु॑ण॒मव॑ यज॒ते स॒मुद्रे॑ ते हृ॒दय॑-म॒फस्व॑न्त॒रित्या॑ह  
 स॒मुद्रे॑ ह्य॒न्तर्वरु॑णः॒ सं त्वा॑ वि॒श-न्त्वो॑ष॒धी-रु॒ताऽऽ\*प॑ इत्या॒हाद्भि॑-रे॒वैन॑मो॒षधी॑भिः स॒म्यञ्च॑ दधा॒ति  
 दे॒वीरा॑प ए॒ष वो॒ गर्भ॑ इत्या॒ह यथा॑य॒जुरे॒वैतत् प॑शवो॒ वै- [ ]

**Pada Paata**

ऋतुषु । एव । प्रतीति । तिष्ठति । अवभृथेत्यव - भृथ । निचङ्कुणेति नि - चङ्कुण । इति ।  
 । आह । यथोदितमिति यथा - उदितम् । एव । वरुणम् । अवेति । यजते । समुद्रे । ते ।  
 । हृदयम् । अपिस्वित्यप्-सु । अन्तः । इति । आह । समुद्रे । हि । अन्तः । वरुणः ।  
 । समिति । त्वा । विशन्तु । ओषधीः । उत । आपः । इति । आह । अद्भिरित्यत्-  
 भिः । एव । एनम् । ओषधीभिरित्योषधि - भिः । सम्यञ्चम् । दुधाति । देवीः । आपः ।  
 एषः । वः । गर्भः । इति । आह । यथायजुरिति यथा - यजुः । एव । एतत् । पशवः । वै ।

## 13 TS 6.6.3.5

### TS 6.6.3.5

#### Samhita Paata

सोमो यद्भिन्दूनां भक्षयेत् पशुमान्त्स्याद्वरुणस्त्वेनं गृहीयाद्यन्न भक्षयेदपशुः स्यान्नैनं वरुणो  
 गृहीयादुपस्पृश्यमेव पशुमान् भवति नैनं वरुणो गृह्णाति प्रतियुतो वरुणस्य पाश इत्याह वरुणपाशादेव  
 निर्मुच्यते ऽप्रतीक्षमा यन्ति वरुणस्यान्तरहित्या एधोऽस्येधिषीमहीत्याह समिधैवाग्निं नमस्यन्तं ( )  
 उपायन्ति तेजोऽसि तेजो मयि धेहीत्याह तेज एवाऽऽत्मन् धत्ते ॥

#### Pada Paata

सोमः । यत् । भिन्दूनाम् । भक्षयेत् । पशुमानिति पशु - मान् । स्यात् । वरुणः । तु ।  
 एनम् । गृहीयात् । यत् । न । भक्षयेत् । अपशुः । स्यात् । न । एनम् । वरुणः ।



गृह्णीयात् । उपस्पृश्यमित्युप - स्पृश्यम् । एव । पशुमानिति पशु - मान् । भवति । न ।  
 एनम् । वरुणः । गृह्णाति । प्रतियुत इति प्रति - युतः । वरुणस्य । पाशः । इति । आह  
 । वरुणपाशादिति वरुण - पाशात् । एव । निरिति । मुच्यते । अप्रतीक्षमित्यप्रति - ईक्षम् ।  
 एति । यन्ति । वरुणस्य । अन्तरहित्या इत्यन्तः - हित्यै । एधः । असि । एधिषीमहि ।  
 इति । आह । समिधेति सम् - इधौ । एव । अग्निम् । नमस्यन्तः ( ) । उपायन्तीत्युप -  
 आयन्ति । तेजः । असि । तेजः । मयि । धेहि । इति । आह । तेजः । एव । आत्मन्  
 । धत्ते ॥

## 14 TS 6.6.4.1

### TS 6.6.4.1

#### Samhita Paata

स्प्येन वेदिमुद्वन्ति रथाक्षेण वि मिमीते यूपं मिनोति त्रिवृतमेव वज्रं सभृत्यु भ्रातृव्याय प्र  
 हरति स्तृत्यै यदन्तर्वेदि मिनुयाद्-देवलोकमभि जयेद्-यद्-बहिर्वेदि मनुष्य लोकं वेद्यन्तस्य सन्धौ  
 मिनोत्युभयो-लोकयो-रभिजित्या उपरसंमितां मिनुयात् पितृलोककामस्य रश्नसंमितां मनुष्यलोककामस्य  
 चषाल-संमितामिन्द्रिय कामस्य सर्वान्थु समान् प्रतिष्ठाकामस्य ये त्रयो मद्ध्यमास्तान्थु समान्  
 पशुकामस्यैतान् वा- [ ]

#### Pada Paata

स्प्येन । वेदिम् । उदिति । हन्ति । रथाक्षेणेति रथ-अक्षेण । वीति । मिमीते । यूपम् ।

मिनोति । त्रिवृतमिति त्रि - वृतम् । एव । वज्रम् । सुभृत्येति सं - भृत्यं । भ्रातृव्याय । प्रेतिं । हरति । स्तृत्यै । यत् । अन्तर्वेदीत्यन्तः - वेदि । मिनुयात् । देवलोकमिति देव - लोकम् । अभीति । जयेत् । यत् । बहिर्वेदीति बहिः - वेदि । मनुष्यलोकमिति मनुष्य - लोकम् । वेद्यन्तस्येति वेदि - अन्तस्य । सन्धाविति सं - धौ । मिनोति । उभयोः । लोकयोः । अभिजित्या इत्यभि - जित्यै । उपरसम्मितामित्युपर - समिताम् । मिनुयात् । पितृलोककामस्येति पितृलोक - कामस्य । रशनसम्मितामिति रशन - समिताम् । मनुष्यलोककामस्येति मनुष्यलोक - कामस्य । चषालसंमितामिति चषाल - समिताम् । इन्द्रियकामस्येतीन्द्रिय - कामस्य । सर्वान् । समान् । प्रतिष्ठाकामस्येति प्रतिष्ठा - कामस्य । ये । त्रयः । मद्भ्यमाः । तान् । समान् । पशुकामस्येति पशु - कामस्य । एतान् । वै ।

## 15 TS 6.6.4.2

### TS 6.6.4.2

#### Samhita Paata

अनु पशव उप तिष्ठन्ते पशुमानेव भवति व्यतिषजेदितरान् प्रजयैवैनं पशुभिर्व्यतिषजति यं कामयेत प्रमायुकः स्यादिति गर्तमितं तस्य मिनुयादुत्तराद्ध्यै वरूषिष्ठमथ हसीयाऽसमेषा वै गर्तमिद्यस्यैवं मिनोति ताजक् प्र मीयते दक्षिणाद्ध्यै वरूषिष्ठं मिनुयाथ सुवर्गकामस्याथ हसीयाऽस-माक्रमणमेव तथ सेतुं यजमानः कुरुते सुवर्गस्य लोकस्य समष्ट्यै- [ ]

#### Pada Paata

अन्विति॑ । प॒शवः॑ । उपेति॑ । तिष्ठन्ते॑ । प॒शुमानि॑ति पशु - मान् । ए॒व । भ॒वति॑ । व्यति॑षजेदिति॑  
 वि - अति॑षजेत् । इतरान् । प्र॒जयेति॑ प्र - जयाँ । ए॒व । ए॒नम् । प॒शुभिरिति॑ प॒शु - भिः ।  
 व्यति॑षज॒तीति॑ वि - अति॑षजति । यम् । का॒मये॑त् । प्र॒मायु॑क इति॑ प्र - मायु॑कः । स्यात् । इति॑  
 । ग॒र्तमि॑त॒मिति॑ गर्त - मि॒तम् । तस्य॑ । मि॒नुया॑त् । उ॒त्तरा॑र्ध्यमि॒त्युत्तर॑ - अ॒र्ध्यम् । व॒र्षिष्ठ॑म्  
 । अथ॑ । ह॒सीया॑श्सम् । ए॒षा । वै । ग॒र्तमि॑दिति॑ गर्त - मि॒त् । यस्य॑ । ए॒वम् । मि॒नोति॑  
 । ता॒जक् । प्रेति॑ । मी॒यते॑ । द॒क्षिणा॑र्ध्यमि॒ति दक्षिण॑ - अ॒र्ध्यम् । व॒र्षिष्ठ॑म् । मि॒नुया॑त् ।  
 सु॒वर्ग॑का॒मस्ये॑ति सु॒वर्ग॑ - का॒मस्य॑ । अथ॑ । ह॒सीया॑श्सम् । आ॒क्रम॑णमि॒त्या - क्रम॑णम् । ए॒व  
 । तत् । से॒तुम् । यज॑मानः । कुरु॑ते । सु॒वर्ग॑स्येति॑ सु॒वः - ग॒स्य॑ । लो॒कस्य॑ । स॒म॒ष्ट्य॑ इति॑  
 सं - अ॒ष्ट्यै ।

## 16 TS 6.6.4.3

### TS 6.6.4.3

#### Samhita Paata

यदे॒कस्मि॑न् । यू॒पे द्वे र॑शने परि॒व्यय॑ति॒ तस्मा॑दे॒को द्वे जा॑ये वि॒न्दते॑ यन्नैका॑ र॒शनां॑ द्वयो॒र्यूप॑योः  
 परि॒व्यय॑ति॒ तस्मा॑न्नैका॒ द्वौ प॑ती वि॒न्दते॑ यं का॒मये॑त् रु॒यस्य॑ जा॒येते॒त्युपा॑न्ते तस्य॑ व्यति॑षजेथ  
 रु॒येवा॑स्य॑ जा॒यते॑ यं का॒मये॑त् पु॒मान॑स्य जा॒येते॒त्यान्तं॑ तस्य॑ प्र वै॒ष्टये॑त् पु॒माने॑वा॒स्य- [ ]

#### Pada Paata

यत् । ए॒कस्मि॑न् । यू॒पे । द्वे इति॑ । र॒शने॑ इति॑ । परि॒व्यय॑तीति॑ परि - व्यय॑ति । तस्मा॑त्

। एकः । द्वे इति । जाये इति । विन्दते । यत् । न । एकाम् । रशनाम् । द्वयोः ।  
यूपयोः । परिव्ययतीति परि - व्ययति । तस्मात् । न । एका । द्वौ । पती इति । विन्दते  
। यम् । कामयेत । स्त्री । अस्य । जायेत् । इति । उपान्त इत्युप - अन्ते । तस्य ।  
व्यतिषजेदिति वि - अतिषजेत् । स्त्री । एव । अस्य । जायेत् । यम् । कामयेत । पुमान् । अस्य  
। जायेत् । इति । आन्तमित्या - अन्तम् । तस्य । प्रेति । वेष्टयेत् । पुमान् । एव । अस्य ।

## 17 TS 6.6.4.4

### TS 6.6.4.4

#### Samhita Paata

जायते ऽसुरा वै देवान् दक्षिणत उपानयन् तान् देवा उपशयेनैवापा-नुदन्त त-दुपशयस्यो-पशयत्वं  
यद्-दक्षिणत उपशय उपशये भ्रातृव्यापनुत्यै सर्वे वा अन्ये यूपाः पशुमन्तोऽथोपशय एवापशुस्तस्य  
यजमानः पशुर्यन्न निर्दिशेदिति-माच्छेद्-यजमानोऽसौ ते पशुरिति निर्दिशेद्यं द्विष्याद्-यमेव- [ ]

#### Pada Paata

जायते । असुराः । वै । देवान् । दक्षिणतः । उपेति । अनयन् । तान् । देवाः ।  
उपशयेनेत्युप - शयेन । एव । अपेति । अनुदन्त । तत् । उपशयस्येत्युप - शयस्य  
। उपशयत्वमित्युपशय - त्वम् । यत् । दक्षिणतः । उपशय इत्युप - शयः । उपशय  
इत्युप - शये । भ्रातृव्यापनुत्या इति भ्रातृव्य-अपनुत्यै । सर्वे । वै । अन्ये । यूपाः ।  
पशुमन्त इति पशु - मन्तः । अथ । उपशय इत्युप - शयः । एव । अपशुः । तस्य ।

यज॑मानः । प॒शुः । यत् । न । नि॒र्दि॑शेदिति॑ निः - दि॒शेत् । आ॒र्ति॑म् । ए॒ति॑ । ऋ॒च्छे॑त् ।  
 । यज॑मानः । अ॒सौ । ते । प॒शुः । इति॑ । नि॒रिति॑ । दि॒शेत् । यम् । द्वि॒ष्यात् । यम् । ए॒व ।

## 18 TS 6.6.4.5

### TS 6.6.4.5

#### Samhita Paata

द्वेष्टि॑ तम॑स्मै प॒शुं नि॒र्दि॑शति॑ यदि॑ न द्वि॒ष्यादा॑खुस्ते॑ प॒शुरिति॑ ब्रू॒या॒न्न ग्रा॒म्यान् प॒शून् हि॒नस्ति॑  
 नाऽऽ\*र॒ण्यान् प्र॒जाप॑तिः प्र॒जा अ॑सृजत् सौऽन्नाद्ये॑न॒ व्य॑र्द्धयत् स ए॒तामे॑कादु॒शिनी॑-मप॒श्यत् तया॑ वै  
 सौऽन्नाद्य॑मवा॑रुन्ध॒ यद॑श॒ यूपा॑ भव॑न्ति॒ दश॑क्षरा॒ वि॒राड॑न्नं वि॒राड् वि॒राजे॑वा-न्नाद्य॑मव॑ रुन्धे- [ ]

#### Pada Paata

द्वेष्टि॑ । तम् । अ॒स्मै । प॒शुम् । नि॒रिति॑ । दि॒शति॑ । यदि॑ । न । द्वि॒ष्यात् । आ॒खुः । ते ।  
 प॒शुः । इति॑ । ब्रू॒यात् । न । ग्रा॒म्यान् । प॒शून् । हि॒नस्ति॑ । न । आ॒र॒ण्यान् । प्र॒जाप॑तिरिति॑  
 प्र॒जा - प॒तिः । प्र॒जा इति॑ प्र - जाः । अ॑सृजत् । सः । अ॒न्नाद्ये॑नेत्य॑न्न - अद्ये॑न । वी॒ति॑ ।  
 अ॒र्द्धय॑त् । सः । ए॒ताम् । ए॒कादु॒शिनी॑म् । अ॒प॒श्यत् । तया॑ । वै । सः । अ॒न्नाद्य॑मित्य॑न्न  
 - अद्य॑म् । अवे॒ति॑ । अ॒रुन्ध॑ । यत् । दश॑ । यूपाः॑ । भव॑न्ति । दश॑क्षरे॒ति॑ दश॑ - अ॒क्षरा॑  
 । वि॒राडिति॑ वि - राट् । अन्न॑म् । वि॒राडिति॑ वि - राट् । वि॒राजे॑ति॑ वि - राजा॑ । ए॒व ।  
 अ॒न्नाद्य॑मित्य॑न्न - अद्य॑म् । अवे॒ति॑ । रुन्धे॑ ।

## 19 TS 6.6.4.6

### TS 6.6.4.6

#### Samhita Paata

य ए॒काद॒शः स्तन॑ ए॒वास्यै॑ स दु॒ह ए॒वैनां॑ तेन॒ वज्रो॑ वा ए॒षा सं मी॑यते॒ यदे॑काद॒शिनी॑ से॒श्वरा॑ पु॒रस्ता॑त्  
प्र॒त्यञ्चै॑ य॒ज्ञः संम॑र्दितो॒र्यत् पा॑त्नीव॒तं मि॑नोति॒ यज्ञस्य॑ प्र॒त्युत्त॑ब्ध्यै स॒यत्वाय॑ ॥

#### Pada Paata

यः । ए॒काद॒शः । स्तन॑ः । ए॒व । अ॒स्यै । सः । दु॒हे । ए॒व । ए॒नाम् । तेन॑ । वज्रः ।  
वै । ए॒षा । समि॑ति । मी॒यते॒ । यत् । ए॒काद॒शिनी॑ । सा । ई॒श्वरा॑ । पु॒रस्ता॑त् । प्र॒त्यञ्चै॑म्  
। य॒ज्ञम् । संम॑र्दितो॒रिति॑ सं - म॒र्दितोः॑ । यत् । पा॒त्नीव॒तमिति॑ पा॒त्नी - व॒तम् । मि॑नोति॒ ।  
य॒ज्ञस्य॑ । प्र॒तीति॑ । उ॒त्त॑ब्ध्या॒ इत्युत् - स्त॒ब्ध्यै । स॒यत्वायेति॑ स॒य - त्वाय॑ ॥

## 20 TS 6.6.5.1

### TS 6.6.5.1

#### Samhita Paata

प्र॒जाप॑तिः प्र॒जा अ॑सृजत् स रि॑रिचा॒नोऽम॑न्यत् स ए॒तामे॑काद॒शिनी॑-मपश्यत् तया॒ वै स आ॑युरिन्द्रि॒यं  
वी॒र्य॑मा॒त्मन्न॑धत्त प्र॒जा इ॒व खलु॑ वा ए॒ष सृ॑जते॒ यो यज॑ते स ए॒तर॑हि रि॑रिचा॒न इ॒व यदे॑षैकाद॒शिनी॑

भव॑त्यायु॑रेव तये॑न्द्रियं वी॒र्यं यज॑मान आ॒त्मन् ध॑त्ते प्रैवाऽऽ॒ग्नेयेन॑ वापयति मिथुनः॑ सार॑स्वत्या  
करोति॑ रेतः- [ ]

### Pada Paata

प्र॒जाप॑तिरिति॑ प्र॒जा - प॒तिः । प्र॒जा इति॑ प्र-जाः । अ॒सृज॑त् । सः । रि॒रि॒चा॒नः । अ॒म॒न्य॒त् ।  
सः । ए॒ताम् । ए॒का॒द॒शिनी॑म् । अ॒प॒श्य॒त् । तया॑ । वै । सः । आ॒युः । इ॒न्द्रि॒यम् । वी॒र्य॑म्  
। आ॒त्म॒न् । अ॒ध॒त्त॒ । प्र॒जा इति॑ प्र - जाः । इ॒व । ख॒लु । वै । ए॒षः । सृ॒ज॒ते । यः ।  
यज॑ते । सः । ए॒तर॒हि॑ । रि॒रि॒चा॒नः । इ॒व । यत् । ए॒षा । ए॒का॒द॒शिनी॑ । भव॑ति । आ॒युः  
। ए॒व । तया॑ । इ॒न्द्रि॒यम् । वी॒र्य॑म् । यज॑मानः । आ॒त्म॒न् । ध॑त्ते । प्रेति॑ । ए॒व । आ॒ग्ने॒येन॑  
। वा॒प॒य॒ति॒ । मि॒थु॒नम् । सा॒र॒स्व॒त्या । क॒रो॒ति॒ । रेतः॑ ।

## 21 TS 6.6.5.2

### TS 6.6.5.2

#### Samhita Paata

सौ॒म्येन॑ दधाति॑ प्र ज॑नयति पौ॒ष्णेन॑ बा॒र॒ह॒स्प॒त्यो भ॑वति ब्र॒ह्म वै दे॒वानां॑ बृ॒ह॒स्प॒तिर्ब्र॑ह्म॒णैवा॒स्मै प्र॒जाः  
प्रज॑नयति वै॒श्वदे॒वो भ॑वति वै॒श्वदे॒व्यो वै प्र॒जाः प्र॒जा ए॒वा॒स्मै प्रज॑नयती-न्द्रि॒यमे॒वैन्द्रे॒णाव॑ रुन्धे॒ विशं॑  
मा॒रु॒तेनौ॒जो ब॒ल॒मैन्द्रा॒ग्नेन॑ प्रस॒वाय॑ सावि॒त्रो निर्व॑रुण॒त्वाय॑ वा॒रु॒णो म॑द्भ्य॒त ऐ॒न्द्र॒मा ल॑भते म॑द्भ्य॒त  
ए॒वेन्द्रि॒यं यज॑माने दधाति- [ ]

**Pada Paata**

सौम्येन॑ । दुधा॒ति । प्रेति॑ । ज॒नय॑ति । पौ॒ष्णेन॑ । बा॒रु॒हस्प॑त्यः । भ॒वति॑ । ब्रह्म॑ । वै ।  
 दे॒वाना॑म् । बृ॒हस्प॑तिः । ब्रह्म॑णा । ए॒व । अ॒स्मै । प्र॒जा इति॑ प्र-जाः । प्रेति॑ । ज॒नय॑ति ।  
 वै॒श्वदे॒व इति॑ वैश्व - दे॒वः । भ॒वति॑ । वै॒श्वदे॒व्य इति॑ वैश्व - दे॒व्यः । वै । प्र॒जा इति॑ प्र - जाः ।  
 प्र॒जा इति॑ प्र - जाः । ए॒व । अ॒स्मै । प्रेति॑ । ज॒नय॑ति । इ॒न्द्रिय॑म् । ए॒व । ऐ॒न्द्रेण॑ । अ॒वेति॑  
 । रु॒न्धे । वि॒शम् । मा॒रुते॑न । ओजः॑ । ब॒लम् । ऐ॒न्द्राग्ने॑नेत्यै॒न्द्र - अ॒ग्नेन॑ । प्र॒स॒वायेति॑ प्र -  
 स॒वाय॑ । सा॒वि॒त्रः । नि॒र्वरु॑ण॒त्वायेति॑ नि॒र्वरु॑ण - त्वाय॑ । वा॒रु॒णः । म॒द्ध्य॑तः । ऐ॒न्द्रम् । एति॑  
 । ल॒भते॑ । म॒द्ध्य॑तः । ए॒व । इ॒न्द्रिय॑म् । यज॑माने । दुधा॒ति ।

**22 TS 6.6.5.3****TS 6.6.5.3****Samhita Paata**

पुरस्ता॑दैन्द्रस्य॑ वैश्वदे॒वमा ल॑भते वैश्वदे॒वं वा अ॒न्नम॑न्नमे॒व पुरस्ता॑द्ध॒त्ते तस्मा॑त् पुरस्ता॑दन्नम॒द्यत॑  
 ऐ॒न्द्रमा॒लभ्य॑ मा॒रुत॑मा ल॑भते वि॒ड् वै म॒रुतो॑ वि॒शमे॑वास्मा॒ अनु॑ ब॒द्धाति॑ यदि॑ का॒मये॑त् योऽव॑ग॒तः  
 सोऽप॑ रु॒द्ध्यता॑ योऽप॑रु॒द्धः सोऽव॑ गच्छ॒त्वित्यै॒न्द्रस्य॑ लो॒के वा॑रु॒णमा ल॑भेत वा॒रुण॑स्य॒ लोक॑ ऐ॒न्द्र- [ ]

**Pada Paata**

पुरस्ता॑त् । ऐ॒न्द्रस्य॑ । वै॒श्वदे॒वमिति॑ वैश्व - दे॒वम् । एति॑ । ल॒भते॑ । वै॒श्वदे॒वमिति॑ वैश्व - दे॒वम्  
 । वै । अ॒न्नम् । अ॒न्नम् । ए॒व । पुरस्ता॑त् । ध॒त्ते । तस्मा॑त् । पुरस्ता॑त् । अ॒न्नम् ।



अ॒द्य॒ते । ऐ॒न्द्रम् । आ॒ल॒भ्ये॒त्याँ-ल॒भ्यं । मा॒रु॒तम् । ए॒तिं । ल॒भ॒ते । वि॒ट् । वै । म॒रु॒तः ।  
 वि॒श॒म् । ए॒व । अ॒स्मै । अ॒न्वि॒तिं । ब॒द्धा॒ति । य॒दि । का॒मये॑त । यः । अ॒वंग॑त॒ इत्य॑व  
 - ग॒तः । सः । अ॒पे॒तिं । रु॒द्धय॑ता॒म् । यः । अ॒प॑रु॒द्ध उ॒त्यप॑- रु॒द्धः । सः । अ॒वे॒तिं ।  
 ग॒च्छ॒तु । इ॒तिं । ऐ॒न्द्रस्य॑ । लो॒के । वा॒रु॒णम् । ए॒तिं । ल॒भे॒त । वा॒रु॒णस्य॑ । लो॒के । ऐ॒न्द्रम् ।

## 23 TS 6.6.5.4

### TS 6.6.5.4

#### Samhita Paata

य ए॒वावंग॑तः सोऽप॑ रु॒द्धय॑ते योऽप॑रु॒द्धः सोऽव॑ ग॒च्छति॑ यदि॑ का॒मये॑त प्र॒जा मु॒ह्येयु॑रिति॑ प॒शून्  
 व्य॑तिष॒जेत् प्र॒जा ए॒व मो॑हयति॑ यद॑भि॒वाह॑तोऽपां वा॒रु॒णमा॒ल॒भे॑त प्र॒जा वरु॑णो गृ॒हीया॑द्-दक्षि॒णत॑  
 उद॑ञ्च॒मा ल॑भतेऽप॒वाह॑तोऽपां प्र॒जाना॑-मवरु॒ण ग्रा॑हाय ॥

#### Pada Paata

यः । ए॒व । अ॒वंग॑त॒ इत्य॑व - ग॒तः । सः । अ॒पे॒तिं । रु॒द्धय॑ते । यः । अ॒प॑रु॒द्ध उ॒त्यप॑-रु॒द्धः  
 । सः । अ॒वे॒तिं । ग॒च्छ॒ति । य॒दि । का॒मये॑त । प्र॒जा इति॑ प्र - जाः । मु॒ह्येयुः । इति॑  
 । प॒शून् । व्य॑तिष॒जेदि॑तिं वि - अ॒तिष॑जेत् । प्र॒जा इति॑ प्र - जाः । ए॒व । मो॑हयति॑ । यत्  
 । अ॒भि॒वा॒ह॒त इत्य॑भि - वा॒ह॒तः । अ॒पाम् । वा॒रु॒णम् । आ॒ल॒भे॒ते॒त्याँ - ल॒भे॑त । प्र॒जा इति॑ प्र  
 - जाः । वरु॑णः । गृ॒हीया॑त् । द॒क्षि॒णतः । उद॑ञ्च॒म् । ए॒तिं । ल॒भ॒ते । अ॒प॒वा॒ह॒त इत्य॑प -  
 वा॒ह॒तः । अ॒पाम् । प्र॒जाना॑मिति॑ प्र - जाना॑म् । अ॒वरु॑णग्रा॒हाये॑त्यवरु॒ण - ग्रा॒हाय॑ ॥

## 24 TS 6.6.6.1

### TS 6.6.6.1

#### Samhita Paata

इन्द्रः पत्निया॒ मनु॑मयाजयत् तां पर्य॑ग्निकृता॒-मुद॑सृजत् तया॒ मनु॑राद्धो॒द्यत् पर्य॑ग्निकृतं पात्नी॒वतमु॑थ  
सृजति॒ यामे॒व मनु॑र॒ ऋद्धि॑माद्धो॒त् तामे॒व यज॑मान ऋद्धोति॒ य॒ज्ञस्य॑ वा अप्रति॑ष्ठिताद्-य॒ज्ञः परा॑ भवति  
य॒ज्ञं परा॑भवे॒न्तं यज॑मानोऽनु॒ परा॑ भवति॒ यदा॑ज्येन पात्नी॒वतः स॑स्थापयति॒ य॒ज्ञस्य॑ प्रति॑ष्ठित्यै य॒ज्ञं  
प्रति॑तिष्ठन्तं यज॑मानोऽनु॒ प्रति॑ तिष्ठतीष्टं व॒पया॒- [ ]

#### Pada Paata

इन्द्रः । पत्निया । मनुम् । अयाजयत् । ताम् । पर्यग्निकृतमिति पर्यग्नि - कृतम् । उदिति ।  
असृजत् । तया । मनुः । आद्धोत् । यत् । पर्यग्निकृतमिति पर्यग्नि-कृतम् । पात्नीवतमिति  
पात्नी-वतम् । उथ्सृजतीत्युत् - सृजति । याम् । एव । मनुः । ऋद्धिम् । आद्धोत् । ताम्  
। एव । यजमानः । ऋद्धोति । य॒ज्ञस्य॑ । वै । अप्रतिष्ठितादित्यप्रति - स्थितात् । य॒ज्ञः ।  
परेति । भवति । य॒ज्ञम् । पराभवे॒न्तमिति॑ परा - भवे॒न्तम् । यज॑मानः । अनु । परेति ।  
भवति । यत् । आज्येन । पात्नीवतमिति पात्नी - वतम् । स॒स्थापय॑तीति सं - स्थापयति ।  
य॒ज्ञस्य॑ । प्रति॑ष्ठित्या इति प्रति-स्थित्यै । य॒ज्ञम् । प्रति॑तिष्ठन्तमिति प्रति - तिष्ठन्तम् । यज॑मानः  
। अनु । प्रतीति । तिष्ठति । इष्टम् । वपया ।

## 25 TS 6.6.6.2

### TS 6.6.6.2

#### Samhita Paata

भवत्यनिष्टं वृशयाऽथ पात्नीवृतेन प्र चरति तीर्थ एव प्र चरत्यथो एतर्ह्येवास्य यामस्त्वाष्ट्रो भवति  
त्वष्टा वै रेतसः सिक्तस्य रूपाणि वि करोति तमेव वृषाणं पत्नीष्वपि सृजति सोऽस्मै रूपाणि वि  
करोति ॥

#### Pada Paata

भवति । अनिष्टम् । वृशया । अथ । पात्नीवृतेनेति पात्नी - वृतेन । प्रेति । चरति ।  
तीर्थ । एव । प्रेति । चरति । अथो इति । एतर्हि । एव । अस्य । यामः ।  
त्वाष्ट्रः । भवति । त्वष्टा । वै । रेतसः । सिक्तस्य । रूपाणि । वीति । करोति । तम्  
। एव । वृषाणम् । पत्नीषु । अपीति । सृजति । सः । अस्मै । रूपाणि । वीति । करोति ॥

## 26 TS 6.6.7.1

### TS 6.6.7.1

#### Samhita Paata

घ्नन्ति वा एतथ सोमं यदभिषुण्वन्ति यथ सौम्यो भवति यथा मृतायानुस्तरणीं घ्नन्ति तादृगेव तद्  
यदुत्तराद्धे वा मद्ध्ये वा जुहुयाद्-देवताभ्यः समदं दद्म्याद्-दक्षिणाद्धे जुहोत्येषा वै पितॄणां दिव्

स्वाया॑मे॒व दि॒शि पि॒तृन् नि॒रव॑दयत उ॒द्गातृ॑भ्यो॑ हर॒न्ति सा॒मदे॒वत्यो॑ वै सौ॒म्यो यदे॒व सा॒मः छं॑बट्कुर्वन्ति  
तस्यै॒व स शान्ति॑रवे- [ ]

### Pada Paata

घ्नन्ति॑ । वा । ए॒तत् । सोम॑म् । यत् । अ॒भिषु॑ण्वन्तीत्य॑भि॒सु॒न्वन्ति॑ । यत् । सौ॒म्यः ।  
भ॒वन्ति॑ । यथा॑ । मृ॒ताय॑ । अ॒नुस्तर॑णी॒मित्य॑नु - स्तर॑णीम् । घ्नन्ति॑ । ता॒दृक् । ए॒व । तत्  
। यत् । उ॒त्तरा॑र्ध इत्यु॑त्तर - अ॒र्धे । वा । म॒द्धयै॑ । वा । जु॒हुयात् । दे॒वता॑भ्यः ।  
स॒मद॑मिति॑ स - म॒दम् । दु॒ह्यात् । द॒क्षिणा॑र्ध इति॑ दक्षिण - अ॒र्धे । जु॒होति॑ । ए॒षा । वै  
। पि॒तृणाम् । दिक् । स्वाया॑म् । ए॒व । दि॒शि । पि॒तृन् । नि॒रव॑दयत॒ इति॑ निः - अ॒व॑दयते  
। उ॒द्गातृ॑भ्य इत्यु॑द्गातृ - भ्यः । ह॒रन्ति॑ । सा॒मदे॒वत्य॑ इति॑ साम - दे॒वत्यः॑ । वै । सौ॒म्यः ।  
यत् । ए॒व । सा॒मः । छं॑बट्कुर्वन्तीति॑ छं॑बट् - कुर्वन्ति॑ । तस्य॑ । ए॒व । सः । शान्तिः॑ । अ॒वेति॑ ।

## 27 TS 6.6.7.2

### TS 6.6.7.2

#### Samhita Paata

-क्षन्ते॑ पु॒वित्रं॑ वै सौ॒म्य आ॒त्मान॑मे॒व प॑वयन्ते॒ य आ॒त्मानं॑ न प॑रिपश्येदि॒तासुः॑ स्याद॒भिदु॑दिं  
कृ॒त्वाऽवै॑क्षेत् तस्मि॒न्. ह्या॒त्मानं॑ प॑रिपश्यत्यथो॒ आ॒त्मान॑मे॒व प॑वयते॒ यो ग॒तम॑नाः स्यात् सोऽवै॑क्षेत्  
यन्मे॒ मनः॑ प॑रागतं॒ यद्वा॑ मे॒ अप॑रागतं । राज्ञा॑ सोमे॒न तद्व॑यम॒स्मासु॑ धारयाम॒सीति॑ मन॑ ए॒वात्म॑न्  
दा॑धार- [ ]

**Pada Paata**

ईक्षन्ते । प॒वित्रम् । वै । सौ॒म्यः । आ॒त्मानम् । ए॒व । प॒व॒यन्ते । यः । आ॒त्मानम् ।  
 न । प॒रि॒पश्ये॑दिति॑ परि॒पश्ये॑त् । इ॒तासुरि॑ती॒त-अ॒सुः । स्या॒त् । अ॒भि॒दु॒दि॒मित्य॑भि - दु॒दिम् ।  
 कृ॒त्वा । अ॒वेति॑ । ई॒क्षेत् । तस्मि॑न् । हि । आ॒त्मानम् । प॒रि॒पश्य॑तीति॑ परि - पश्य॑ति ।  
 अथो॑ इति॑ । आ॒त्मानम् । ए॒व । प॒व॒य॒ते । यः । ग॒तम॑ना॒ इति॑ ग॒त - म॒नाः । स्या॒त् ।  
 सः । अ॒वेति॑ । ई॒क्षेत् । यत् । मे । म॒नः । प॒रा॒ग॒त॒मि॒ति॒ प॒रा॒-ग॒त॒म् । यत् । वा । मे ।  
 अ॒प॒रा॒ग॒त॒मि॒त्य॒प॒रा॒-ग॒त॒म् ॥ रा॒ज्ञा॑ । सो॒मे॒न । तत् । व॒यम् । अ॒स्मासु॑ । धा॒र॒या॒म॒सि॒ । इति॑  
 । म॒नः । ए॒व । आ॒त्म॒न् । दा॒धा॒र॒ ।

**28 TS 6.6.7.3****TS 6.6.7.3****Samhita Paata**

न ग॒तम॑ना भव॒त्यप॒ वै तृ॑तीयसव॒ने य॒ज्ञः क्रा॑मतीजा॒ना-द॒नी॒जान॑म॒भ्या॑-ग्रावैष्ण॒व्यर्चा॑ घृ॒तस्य॑ यज॒त्यग्निः॑  
 सर्वा॑ दे॒वता॑ विष्णु॑र्य॒ज्ञो दे॒वता॑श्चै॒व य॒ज्ञं च॑ दा॒धारो॒पा॒शु य॑जति मिथु॒न॒त्वाय॑ ब्रह्म॒वा॒दिनो॑ वदन्ति मि॒त्रो  
 य॒ज्ञस्य॑ स्वि॒ष्टं॒ यु॒वते॑ वरु॑णो दु॒रि॒ष्टं कं॑ त॒र्हि य॒ज्ञः कं॑ यज॑मानो भव॒तीति॑ यन्मै॒त्राव॑रु॒णी॒ व॒शामा॑लभ॑ते  
 मि॒त्रेणै॒व- [ ]

**Pada Paata**

न । ग॒तम॑ना इति॑ ग॒त - म॒नाः । भ॒व॒ति । अ॒पेति॑ । वै । तृ॒ती॒य॒स॒व॒न इति॑ तृतीय - स॒व॒ने ।  
 य॒ज्ञः । क्रा॒म॒ति । ई॒जा॒नात् । अ॒नी॒जा॒नम् । अ॒भी॒ति । आ॒ग्ना॒वैष्ण॒व्ये॒त्या॒ग्ना - वैष्ण॒व्या । ऋ॒चा  
 । घृ॒त॒स्य॑ । य॒ज॒ति । अ॒ग्निः । सर्वाः॑ । दे॒वताः॑ । विष्णुः॑ । य॒ज्ञः । दे॒वताः॑ । च । ए॒व  
 । य॒ज्ञम् । च । दा॒धा॒र । उ॒पा॒श्चि॒त्यु॒प - अ॒शु । य॒ज॒ति । मि॒थु॒न॒त्वा॒येति॑ मिथुन - त्वा॒य॑ ।  
 ब्र॒ह्म॒वा॒दि॒न इति॑ ब्रह्म - वा॒दि॒नः । व॒द॒न्ति । मि॒त्रः । य॒ज्ञ॒स्य॑ । स्वि॒ष्ट॒मि॒ति सु॒-इष्ट॑म् । यु॒व॒ते ।  
 वरु॑णः । दु॒रि॒ष्ट॒मि॒ति दुः - इष्ट॑म् । कं । त॒र्हि । य॒ज्ञः । कं । य॒ज॑मानः । भ॒व॒ति । इति॑  
 । यत् । मै॒त्रा॒व॒रु॒णी॒मि॒ति मै॒त्रा - व॒रु॒णी॒म् । व॒शा॒म् । आ॒ल॒भ॑त॒ इत्या॑ - ल॒भ॑ते । मि॒त्रेण॑ । ए॒व ।

## 29 TS 6.6.7.4

### TS 6.6.7.4

#### Samhita Paata

य॒ज्ञ॒स्य॑ स्वि॒ष्ट॒ः श॒म॒य॒ति वरु॑णे॒न दु॒रि॒ष्टं॑ नाऽऽ॒र्ति॒मा॒च्छ॑ति॒ य॒ज॑मानो॒ यथा॑ वै लाङ्ग॑ले॒नो॒र्वरा॑ प्र॒भि॒न्दन्-  
 त्ये॒वमृ॑त्स्वा॒मे य॒ज्ञं प्र॑ भि॒न्तो॒ यन्मै॑त्रा॒वरु॑णी॒ व॒शा॒मा॒ल॒भ॑ते॒ य॒ज्ञायै॑व प्र॒भि॒न्ना॒य म॒त्य॑म॒न्ववा॑स्यति॒ शान्त्यै॑  
 या॒तया॑मानि॒ वा ए॒तस्य॑ छ॒न्दा॑सि॒ य ई॒जा॒नः छ॒न्द॑सा॒मे॒ष र॒सो यद्-व॒शा यन्मै॑त्रा॒वरु॑णी॒ व॒शा॒मा॒ल॒भ॑ते  
 छ॒न्दा॑स्ये॒व पु॒न॒रा प्री॑णा॒त्य ( ) या॑त॒याम॑त्वा॒याथो॑ छ॒न्द॑स्स्वे॒व र॒सं द॑धाति ॥

#### Pada Paata

य॒ज्ञ॒स्य॑ । स्वि॒ष्ट॒मि॒ति सु॒ - इष्ट॑म् । श॒म॒य॒ति । वरु॑णे॒न । दु॒रि॒ष्ट॒मि॒ति दुः - इष्ट॑म् । न । आ॒र्ति॒म्  
 । ए॒ति॑ । ऋ॒च्छ॒ति । य॒ज॑मानः । यथा॑ । वै । लाङ्ग॑ले॒न । उ॒र्वरा॑म् । प्र॒भि॒न्द॒न्तीति॑ प्र -

भिन्दन्ति । एवम् । ऋक्सामे इत्यृक् - सामे । यज्ञम् । प्रेति । भिन्तः । यत् । मैत्रावरुणीमिति  
 मैत्रा - वरुणीम् । वशाम् । आलभत इत्यां - लभते । यज्ञाय । एव । प्रभिन्नायेति प्र - भिन्नाय  
 । मृत्यम् । अन्ववास्यतीत्यनु - अवास्यति । शान्त्यै । यातयामानीति यात-यामानि । वै ।  
 एतस्य । छन्दांसि । यः । ईजानः । छन्दसाम् । एषः । रसः । यत् । वशा । यत् ।  
 मैत्रावरुणीमिति मैत्रा - वरुणीम् । वशाम् । आलभत इत्यां - लभते । छन्दांसि । एव ।  
 पुनः । एति । प्रीणाति ( ) । अयातयामत्वायेत्ययातयाम - त्वाय । अथो इति । छन्दस्स्विति  
 छन्दः - सु । एव । रसम् । दुधाति ॥

### 30 TS 6.6.8.1

#### TS 6.6.8.1

#### Samhita Paata

देवा वा इन्द्रियं वीर्यां<sup>(1)</sup> व्यभजन्त ततो यदत्यशिष्यत तदतिग्राह्यां अभवन् तदतिग्राह्याणा-  
 मतिग्राह्यत्वं यदतिग्राह्यां गृह्यन्ते इन्द्रियमेव तद्-वीर्यं यजमान आत्मन् धत्ते तेज आग्नेयेनैन्द्रिय-  
 मैन्द्रेण ब्रह्मवर्चसः सौर्येणोपस्तंभन् वा एतद्-यज्ञस्य यदतिग्राह्यांश्चक्रे पृष्ठानि यत् पृष्ठे न गृहीयात्  
 प्राञ्च यज्ञं पृष्ठानि सः शृणीयुर्यदुक्थ्ये- [ ]

#### Pada Paata

देवा । वै । इन्द्रियम् । वीर्याम् । वीति । अभजन्त । ततः । यत् । अत्यशिष्यतेत्यति  
 - अशिष्यत । तत् । अतिग्राह्या इत्यति-ग्राह्याः । अभवन् । तत् । अतिग्राह्याणामित्यति -  
 ग्राह्याणाम् । अतिग्राह्यत्वमित्यतिग्राह्य - त्वम् । यत् । अतिग्राह्या इत्यति-ग्राह्याः । गृह्यन्ते

। इन्द्रियम् । ए॒व । तत् । वी॒र्यम् । यज॑मानः । आ॒त्मन् । ध॒त्ते । तेजः॑ । आ॒ग्नेयेन॑ ।  
 इन्द्रियम् । ऐ॒न्द्रेण॑ । ब्र॒ह्मव॑र्चसमिति॑ ब्र॒ह्म - व॑र्चसम् । सौ॒र्येण॑ । उ॒प॒स्तंभे॑न॒मित्यु॑प - स्तंभे॑नम्  
 । वै । ए॒तत् । य॒ज्ञस्य॑ । यत् । अ॒ति॒ग्रा॒ह्या इत्य॑ति - ग्रा॒ह्याः । च॒क्रे इति॑ । पृ॒ष्ठानि॑ ।  
 यत् । पृ॒ष्ठ्यै । न । गृ॒ह्णी॒यात् । प्रा॒ञ्चम् । य॒ज्ञम् । पृ॒ष्ठानि॑ । स॒मिति॑ । शृ॒णी॒युः । यत् । उ॒क्थ्यै॑ ।

## 31 TS 6.6.8.2

### TS 6.6.8.2

#### Samhita Paata

गृ॒ह्णी॒यात् प्र॒त्यञ्च॑ य॒ज्ञम॑ति॒ग्रा॒ह्याः सः॑ शृ॒णी॒युर्विश्व॑जिति॑ सर्व॑पृ॒ष्ठे ग॒हीत॑व्या॒ य॒ज्ञस्य॑ स॒वीर्य॑त्वाय॑  
 प्र॒जाप॑ति॒दे॒वेभ्यो॑ य॒ज्ञान् व्यादि॑श॒त् स प्रि॒यास्त॑नूर॒प न्य॑धत्त॒ तद॑ति॒ग्रा॒ह्या अभ॑वन् वित॑नु॒स्तस्य॑ य॒ज्ञ  
 इत्या॑हु॒र्यस्या॑ति॒ग्रा॒ह्या न गृ॒ह्यन्त॑ इत्य॒प्यग्नि॑ष्टोमे ग॒हीत॑व्या॒ य॒ज्ञस्य॑ स॒तनु॑त्वाय॑ दे॒वता॑ वै सर्वाः॑  
 स॒दृशी॑रासन् ता न व्या॒वृत्त॑-मगच्छन् ते दे॒वा- [ ]

#### Pada Paata

गृ॒ह्णी॒यात् । प्र॒त्यञ्च॑म् । य॒ज्ञम् । अ॒ति॒ग्रा॒ह्या इत्य॑ति - ग्रा॒ह्याः । स॒मिति॑ । शृ॒णी॒युः । वि॒श्वजि॑तीति॑  
 वि॒श्व - जि॑ति॑ । सर्व॑पृ॒ष्ठ इति॑ सर्व॑ - पृ॒ष्ठे । ग॒हीत॑व्याः । य॒ज्ञस्य॑ । स॒वीर्य॑त्वायेति॑ स॒वीर्य॑-त्वाय॑  
 । प्र॒जाप॑ति॒रिति॑ प्र॒जा - प॒तिः । दे॒वेभ्यः॑ । य॒ज्ञान् । व्यादि॑श॒दिति॑ वि - आदि॑शत् । सः ।  
 प्रि॒याः । त॒नूः । अप॑ । नीति॑ । अ॒धत्त॑ । तत् । अ॒ति॒ग्रा॒ह्या इत्य॑ति-ग्रा॒ह्याः । अभ॑वन् ।  
 वित॑नु॒रिति॑ वि-त॒नुः । तस्य॑ । य॒ज्ञः । इति॑ । आ॒हुः । यस्य॑ । अ॒ति॒ग्रा॒ह्या इत्य॑ति - ग्रा॒ह्याः



। न । गृह्यन्ते । इति । अपीति । अग्निष्टोम इत्यग्नि - स्तोमे । ग्रहीतव्याः । यज्ञस्य ।  
सुतनुत्वायेति सतनु - त्वाय । देवताः । वै । सर्वाः । सदृशीः । आसन् । ताः । न ।  
व्यावृतमिति वि-आवृतम् । अगच्छन् । ते । देवाः ।

## 32 TS 6.6.8.3

### TS 6.6.8.3

#### Samhita Paata

एत एतान् ग्रहानपश्यन् तानगृह्यताऽऽग्ने यमग्निरैन्द्रमिन्द्रः सौर्यः सूर्यस्ततो वै तेऽन्याभिर्देवताभि-  
र्व्यावृतमगच्छन् यस्यैवं विदुष एते ग्रहा गृह्यन्ते व्यावृतमेव पाप्मना भ्रातृव्येण गच्छतीमे लोका  
ज्योतिष्मन्तः समावद्-वीर्याः कार्या इत्याहुराग्नेयेनास्मिन् लोके ज्योतिर्द्धत्त ऐन्द्रेणान्तरिक्ष इन्द्रवायू  
हि सयुजौ सौर्येणामुष्मिन् लोके- [ ]

#### Pada Paata

एते । एतान् । ग्रहान् । अपश्यन् । तान् । अगृह्यन् । आग्नेयम् । अग्निः । ऐन्द्रम् । इन्द्रः  
। सौर्यम् । सूर्यः । ततः । वै । ते । अन्याभिः । देवताभिः । व्यावृतमिति वि - आवृतम्  
। अगच्छन् । यस्य । एवम् । विदुषः । एते । ग्रहाः । गृह्यन्ते । व्यावृतमिति वि-आवृतम्  
। एव । पाप्मना । भ्रातृव्येण । गच्छति । इमे । लोकाः । ज्योतिष्मन्तः । समावद्दीर्या इति  
समावत् - वीर्याः । कार्याः । इति । आहुः । आग्नेयेन । अस्मिन् । लोके । ज्योतिः ।  
धत्ते । ऐन्द्रेण । अन्तरिक्षे । इन्द्रवायू इतीन्द्र - वायू । हि । सयुजाविति स-युजौ । सौर्येण

। अ॒मुष्मि॑न् । लो॒के ।

### 33 TS 6.6.8.4

TS 6.6.8.4

Samhita Paata

ज्योति॑र्द्ध॒त्ते ज्योति॑ष्मन्तोऽस्मा इ॒मे लो॒का भ॑वन्ति स॒माव॑द्-वीर्या॒नेनान् कुरु॑त ए॒तान् वै ग्र॑हान् ब॒बां-  
वि॒श्वव॑यसा-ववि॒त्तां ता॒भ्यामि॑मे लो॒काः परा॑ञ्चश्चा॒र्वाञ्च॑श्च प्रा॒भुर्यस्यै॑वं वि॒दुष॑ ए॒ते ग्र॑हा गृह्यन्ते प्रास्मा  
इ॒मे लो॒काः परा॑ञ्चश्चा॒र्वाञ्च॑श्च भान्ति ॥

Pada Paata

ज्योति॑ः । ध॒त्ते । ज्योति॑ष्मन्तः । अ॒स्मै । इ॒मे । लो॒काः । भ॑वन्ति । स॒माव॑त्वीर्या॒निति॑  
स॒माव॑त् - वीर्या॒न् । ए॒नान् । कुरु॑ते । ए॒तान् । वै । ग्र॑हान् । ब॒बांवि॒श्वव॑यसा॒विति॑ ब॒बां -  
वि॒श्वव॑यसौ । अ॒वि॒त्ताम् । ता॒भ्याम् । इ॒मे । लो॒काः । परा॑ञ्चः । च । अ॒र्वाञ्चः । च । प्रेति॑  
। अ॒भुः । यस्य॑ । ए॒वम् । वि॒दुषः॑ । ए॒ते । ग्र॑हाः । गृह्यन्ते । प्रेति॑ । अ॒स्मै । इ॒मे ।  
लो॒काः । परा॑ञ्चः । च । अ॒र्वाञ्चः । च । भान्ति ॥

## 34 TS 6.6.9.1

### TS 6.6.9.1

#### Samhita Paata

देवा वै यद्-यज्ञेऽकुर्वत तदसुरा अकुर्वत ते देवा अदाभ्ये छन्दांसि सर्वानि समस्थापयन् ततो  
देवा अभवन् पराऽसुरा यस्यैवं विदुषोऽदाभ्यो गृह्यते भवत्यात्मना पराऽस्य भ्रातृव्यो भवति यद्वै  
देवा असुरा-नदाभ्ये-नादभ्रवन् तददाभ्यस्या-दाभ्य त्वं य एवं वेद दभ्नोत्येव भ्रातृव्यं नैनं भ्रातृव्यो  
दभ्नोत्ये- [ ]

#### Pada Paata

देवाः । वै । यत् । यज्ञे । अकुर्वत । तत् । असुराः । अकुर्वत । ते । देवाः । अदाभ्ये  
। छन्दांसि । सर्वानि । समिति । अस्थापयन् । ततः । देवाः । अभवन् । परेति ।  
असुराः । यस्य । एवम् । विदुषः । अदाभ्यः । गृह्यते । भवति । आत्मना । परेति ।  
अस्य । भ्रातृव्यः । भवति । यत् । वै । देवाः । असुरान् । अदाभ्येन । अदभ्रवन् ।  
तत् । अदाभ्यस्य । अदाभ्यत्वमित्यदाभ्य - त्वम् । यः । एवम् । वेद । दभ्नोति । एव ।  
भ्रातृव्यम् । न । एनम् । भ्रातृव्यः । दभ्नोति ।

## 35 TS 6.6.9.2

### TS 6.6.9.2

#### Samhita Paata

-षा वै प्रजापते-रतिमोक्षिणी नाम तनूर्यददाभ्य उपनद्धस्य गृह्णात्यतिमुक्त्या अति पाप्मानं भ्रातृव्यं मुच्यते य एवं वेद घ्नन्ति वा एतत् सोमं यदभिषुण्वन्ति सोमे हन्यमाने यज्ञो हन्यते यज्ञे यजमानो ब्रह्मवादिनो वदन्ति किं तद्-यज्ञे यजमानः कुरुते येन जीवन्तं सुवर्गं लोकमेतीति जीवग्रहो वा एष यददाभ्योऽनभिषुतस्य गृह्णाति ( ) जीवन्तमेवैनं सुवर्गं लोकं गमयति वि वा एतद्-यज्ञं छिन्दन्ति यददाभ्ये सः-स्थापयन्त्यश्नून्पि सृजति यज्ञस्य सन्तत्यै ॥

### Pada Paata

एषा । वै । प्रजापतेरिति प्रजा-पतेः । अतिमोक्षिणीत्यति-मोक्षिणी । नाम । तनूः । यत् । अदाभ्यः । उपनद्धस्येत्युप-नद्धस्य । गृह्णाति । अतिमुक्त्या इत्यति - मुक्त्यै । अतीति । पाप्मानम् । भ्रातृव्यम् । मुच्यते । यः । एवम् । वेद । घ्नन्ति । वै । एतत् । सोमम् । यत् । अभिषुण्वन्तीत्यभि - सुन्वन्ति । सोमे । हन्यमाने । यज्ञः । हन्यते । यज्ञे । यजमानः । ब्रह्मवादिन इति ब्रह्म-वादिनः । वदन्ति । किम् । तत् । यज्ञे । यजमानः । कुरुते । येन । जीवन्तं । सुवर्गमिति सुवः - गम् । लोकम् । एति । इति । जीवग्रह इति जीव - ग्रहः । वै । एषः । यत् । अदाभ्यः । अनभिषुतस्येत्यनभि - सुतस्य । गृह्णाति ( ) । जीवन्तम् । एव । एनम् । सुवर्गमिति सुवः - गम् । लोकम् । गमयति । वीति । वै । एतत् । यज्ञम् । छिन्दन्ति । यत् । अदाभ्ये । सः-स्थापयन्तीति सं - स्थापयन्ति । अश्नून् । अपीति । सृजति । यज्ञस्य । सन्तत्या इति सं - तत्यै ॥

## 36 TS 6.6.10.1

### TS 6.6.10.1

#### Samhita Paata

दे॒वा वै प्र॒बाहु॑ग्रहा॒-न॒गृह्ण॑त॒ स ए॒तं प्र॒जाप॑ति-र॒श्शु-म॑पश्यत् तम॑गृह्णी॒त तेन॑ वै स आ॒र्द्धो॑द्-यस्यै॒वं  
वि॒दुषो॑ऽश्शु-गृह्यते॑ ऋ॒द्धो॒त्येव॑ स॒कृद॑भिषु॒तस्य॑ गृह्णाति स॒कृद्धि॑ स तेनाऽऽ\*र्द्धो॒न्मन॑सा गृह्णाति॒ मन॑  
इ॒व हि प्र॒जाप॑तिः प्र॒जाप॑ते॒रास्या॒ औदु॑ब॒रेण॑ गृह्णा॒त्यूर्वा॑ उ॒दुब॑र॒ ऊर्ज॑मे॒वाव॑ रुन्धे॒ चतुः॑स्र॒क्ति भ॑वति  
दि॒क्ष्वे- [ ]

#### Pada Paata

दे॒वाः । वै । प्र॒बाहु॑गि॒तिं प्र - बाहु॑क् । ग्रहा॒न् । अ॒गृह्ण॑त॒ । सः । ए॒तम् । प्र॒जाप॑ति॒रिति॑ प्र॒जा  
- प॒तिः । अ॒श्शुम् । अ॒प॒श्यत् । तम् । अ॒गृह्णी॑त॒ । तेन॑ । वै । सः । आ॒र्द्धो॑त् । यस्य॑ ।  
ए॒वम् । वि॒दुषः॑ । अ॒श्शुः । गृह्य॑ते॒ । ऋ॒द्धो॒तिं । ए॒व । स॒कृद॑भिषु॒तस्येति॑ स॒कृत् - अ॒भिषु॑तस्य॒  
। गृह्णा॑ति॒ । स॒कृत् । हि । सः । तेन॑ । आ॒र्द्धो॑त् । मन॑सा । गृह्णा॑ति॒ । मनः॑ । इ॒व । हि ।  
प्र॒जाप॑ति॒रिति॑ प्र॒जा - प॒तिः । प्र॒जाप॑ते॒रिति॑ प्र॒जा - प॒तेः । आ॒स्यै॑ । औदु॑ब॒रेण॑ । गृह्णा॑ति॒ । ऊर्क॑ ।  
वै । उ॒दुम्ब॑रः । ऊर्ज॑म् । ए॒व । अ॒वेति॑ । रुन्धे॑ । चतु॑स्स्र॒क्तीति॑ चतुः॑ - स्र॒क्ति । भ॑वति॒ । दि॒क्ष्व ।

## 37 TS 6.6.10.2

### TS 6.6.10.2

#### Samhita Paata

-व प्र॒ति॑ ति॒ष्ठति॑ यो वा अ॒शोरा॑य॒त॒न॒ं वेदा॑ऽऽय॒त॒न॒वान् भव॑ति वाम॒दे॒व्यमि॑ति॒ साम् तद्वा अ॑स्याऽऽय॒त॒न॒ं मन॑सा॒ गाय॑मानो गृ॒ह्णात्या॑य॒त॒न॒वाने॒व भ॑वति॒ यद॑द्ध॒र्युर॑श्शुं गृ॒ह्णन् ना॑र्द्धये॒दुभा॑भ्यां न॒द्धये॑ताद्ध॒र्यवे॑ च॒ यज॑मानाय च॒ यद॑र्द्धये॒दुभा॑भ्यां-मृ॒द्धये॑तान॒वानं गृ॒ह्णाति॑ सैवा॒स्यर्द्धि॑र॒ हिर॑ण्यम॒भि व्य॑नित्य॒ ( )-मृ॒त॒ं वै हिर॑ण्यमायुः प्रा॒ण आयु॑षै॒वामृ॑त॒म॒भि धि॑नोति श॒तमा॑नं भवति श॒तायुः॑ पुरु॑षः श॒तेन्द्रि॑य॒ आयु॑ष्ये॒वेन्द्रि॑ये प्र॒ति॑ ति॒ष्ठति॑ ॥

#### Pada Paata

ए॒व । प्र॒ती॒तिं । ति॒ष्ठति॑ । यः । वै । अ॒शोः । आ॒य॒त॒न॒मित्या॑-य॒त॒न॒म् । वेद॑ । आ॒य॒त॒न॒वानि॒त्याय॑त॒न - वा॒न् । भ॒व॒ति॑ । वा॒म॒दे॒व्यमि॑ति॒ वाम॑ - दे॒व्यम् । इति॑ । साम॑ । तत् । वै । अ॒स्य॒ । आ॒य॒त॒न॒मित्या॑ - य॒त॒न॒म् । मन॑सा । गाय॑मानः । गृ॒ह्णाति॑ । आ॒य॒त॒न॒वानि॒त्याय॑त॒न - वा॒न् । ए॒व । भ॒व॒ति॑ । यत् । अ॒द्ध॒र्युः । अ॒श्शुम् । गृ॒ह्णन् । न । अ॒र्द्धये॑त् । उ॒भा॒भ्याम् । न । ऋ॒द्धये॑त् । अ॒द्ध॒र्यवे॑ । च॒ । यज॑मानाय । च॒ । यत् । अ॒र्द्धये॑त् । उ॒भा॒भ्याम् । ऋ॒द्धये॑त् । अन॑वान॒मित्यन॑व - अ॒न॒म् । गृ॒ह्णाति॑ । सा । ए॒व । अ॒स्य॒ । ऋ॒द्धिः । हिर॑ण्यम् । अ॒भि । वी॒तिं । अ॒नि॒ति ( ) । अ॒मृ॒त॒म् । वै । हिर॑ण्यम् । आयुः । प्रा॒ण इति॑ प्र-अ॒नः । आयु॑षा । ए॒व । अ॒मृ॒त॒म् । अ॒भी॒तिं । धि॑नोति । श॒तमा॑न॒मिति॑ श॒त - मा॒न॒म् । भ॒व॒ति॑ । श॒तायु॑रिति॑ श॒त - आ॒युः । पुरु॑षः । श॒तेन्द्रि॑य॒ इति॑ श॒त-इन्द्रि॑यः । आयु॑षि । ए॒व । इन्द्रि॑ये । प्र॒ती॒तिं । ति॒ष्ठति॑ ॥

## 38 TS 6.6.11.1

### TS 6.6.11.1

#### Samhita Paata

प्रजापति-देवेभ्यो यज्ञान् व्यादिशत् स रिरिचानोऽमन्यत् स यज्ञानां षोडशधेन्द्रियं वीर्यमात्मानमभि  
समंस्विदत् तथ षोडशयमभवत् वै षोडशी नाम यज्ञोऽस्ति यद्वाव षोडशः स्तोत्रं षोडशः शस्त्रं  
तेन षोडशी तथ षोडशिनः षोडशित्वं यथ षोडशी गृह्यते इन्द्रियमेव तद्-वीर्यं यजमान आत्मन्  
धत्ते देवेभ्यो वै सुवर्गो लोको- [ ]

#### Pada Paata

प्रजापतिरिति प्रजा - पतिः । देवेभ्यः । यज्ञान् । व्यादिशदिति वि - आदिशत् । सः । रिरिचानः  
। अमन्यत् । सः । यज्ञानाम् । षोडशधेति षोडश - धा । इन्द्रियम् । वीर्यम् । आत्मानम् ।  
अभि । समिति । अस्विदत् । तत् । षोडशी । अभवत् । न । वै । षोडशी । नाम । यज्ञः  
। अस्ति । यत् । वाव । षोडशम् । स्तोत्रम् । षोडशम् । शस्त्रम् । तेन । षोडशी । तत्  
। षोडशिनः । षोडशित्वमिति षोडशि - त्वम् । यत् । षोडशी । गृह्यते । इन्द्रियम् । एव ।  
तत् । वीर्यम् । यजमानः । आत्मन् । धत्ते । देवेभ्यः । वै । सुवर्ग इति सुवः - गः । लोकः ।

## 39 TS 6.6.11.2

### TS 6.6.11.2

#### Samhita Paata

न प्राभ॑वत् त ए॒तः षोड॑शि॒नम॑पश्यन् तम॑गृह्ण॒त ततो॑ वै तेभ्यः॑ सु॒वर्गो॑ लो॒कः प्रा॑भ॒वद्य॑थ षोड॑शी  
गृह्य॑ते सु॒वर्गस्य॑ लो॒कस्या॑भिजि॒त्या इन्द्रो॑ वै दे॒वाना॑मानु॒जाव॑र आ॒सीथ॑ स प्र॒जाप॑तिमु॒पाधा॑वत् तस्मा॑  
ए॒तः षोड॑शि॒नं प्राय॑च्छत् तम॑गृह्णी॒त ततो॑ वै सोऽग्रं॑ दे॒वता॑नां प॒र्यैद्-यस्यै॑व वि॒दुषः॑ षोड॑शी गृह्य॑ते- [ ]

### Pada Paata

न । प्रेति॑ । अ॒भ॒वत् । ते । ए॒तम् । षोड॑शि॒नम् । अ॒प॒श्यन् । तम् । अ॒गृ॒ह्ण॒त । ततः॑ ।  
वै । तेभ्यः॑ । सु॒वर्ग इति॑ सु॒वः - गः । लो॒कः । प्रेति॑ । अ॒भ॒वत् । यत् । षोड॑शी । गृह्य॑ते  
। सु॒वर्गस्येति॑ सु॒वः-गस्य॑ । लो॒कस्य॑ । अ॒भिजि॑त्या इत्य॒भि - जि॒त्यै । इन्द्रः॑ । वै । दे॒वाना॑म्  
। आ॒नु॒जा॒व॒र इत्या॑नु - जा॒व॒रः । आ॒सीत् । सः । प्र॒जाप॑तिमि॒ति प्र॒जा - प॒तिम् । उपेति॑ ।  
अ॒धा॒वत् । तस्मै॑ । ए॒तम् । षोड॑शि॒नम् । प्रेति॑ । अ॒य॒च्छत् । तम् । अ॒गृ॒ह्णी॒त । ततः॑ ।  
वै । सः । अग्र॑म् । दे॒वता॑नाम् । प॒रीति॑ । ऐ॒त् । यस्य॑ । ए॒वम् । वि॒दुषः॑ । षोड॑शी । गृह्य॑ते ।

## 40 TS 6.6.11.3

### TS 6.6.11.3

### Samhita Paata

ऽग्र॑मे॒व सं॑मा॒नानां॑ प॒र्येति॑ प्रा॒तस्स॑व॒ने गृ॑ह्णाति वज्रो॒ वै षोड॑शी वज्रः॑ प्रा॒तस्स॑व॒नः स्वा॑दे॒वैर्न॑ यो॒नेर्नि॑गृह्णाति  
स॒र्व॑ने॒सव॑नेऽभि गृ॑ह्णाति स॒र्व॑ना॒थ्स॑व॒नादे॒वैर्न॑ प्र ज॑नयति तृतीय॑स॒व॒ने प॒शुका॑मस्य गृह्णी॒याद्-वज्रो॑ वै  
षोड॑शी प॒शव॑स्त्वृतीय॑स॒व॒नं वज्रे॑णै॒वास्मै॑ तृतीय॑स॒व॒नात् प॒शून्व॑ रुन्धे नोक्थ्ये॑ गृह्णी॒यात् प्र॒जा वै प॒शव॑



उक्थानि यदुक्थ्ये- [ ]

### Pada Paata

अग्रम् । एव । सुमानानाम् । परीतिं । एति । प्रातस्सवन इति प्रातः - सवने । गृह्णाति । वज्रः । वै । षोडशी । वज्रः । प्रातस्सवनमिति प्रातः - सवनम् । स्वात् । एव । एनम् । योनेः । निरितिं । गृह्णाति । सवनेसवन इति सवने - सवने । अभीतिं । गृह्णाति । सवनाथ्सवनादिति सवनात् - सवनात् । एव । एनम् । प्रेतिं । जनयति । तृतीयसवन इति तृतीय - सवने । पशुकामस्येति पशु - कामस्य । गृह्णीयात् । वज्रः । वै । षोडशी । पशवः । तृतीयसवनमिति तृतीय - सवनम् । वज्रेण । एव । अस्मै । तृतीयसवनादिति तृतीय - सवनात् । पशून् । अवेतिं । रुन्धे । न । उक्थ्ये । गृह्णीयात् । प्रजेति प्र - जा । वै । पशवः । उक्थानि । यत् । उक्थ्ये ।

## 41 TS 6.6.11.4

### TS 6.6.11.4

### Samhita Paata

गृह्णीयात् प्रजां पशूनस्य निर्दहेदतिरात्रे पशुकामस्य गृह्णीयाद्-वज्रो वै षोडशी वज्रेणैवास्मै पशूनवरुद्धय रात्रि-योपरिष्ठा-च्छमयत्यप्यग्निष्टोमे राजन्यस्य गृह्णीयाद्-व्यावृत्कामो हि राजन्यो यजते साह एवास्मै वज्रं गृह्णाति स एनं वज्रो भूत्या इन्धे निर्वा दह-त्येकविंशः स्तोत्रं भवति प्रतिष्ठित्यै हरिवच्छस्यत् इन्द्रस्य प्रियं धामो- [ ]

**Pada Paata**

गृहीयात् । प्रजामिति प्र - जाम् । पशून् । अस्य । निरिति । दुहेत् । अतिरात्र इत्यति - रात्रे । पशुकामस्येति पशु - कामस्य । गृहीयात् । वज्रः । वै । षोडशी । वज्रेण । एव । अस्मै । पशून् । अवरुद्धयेत्येव - रुद्धये । रात्रिया । उपरिष्ठात् । शमयति । अपीति । अग्निष्टोम इत्यग्नि - स्तोमे । राजन्यस्य । गृहीयात् । व्यावृत्काम इति व्यावृत् - कामः । हि । राजन्यः । यजते । साह इति स - अहे । एव । अस्मै । वज्रम् । गृह्णाति । सः । एनम् । वज्रः । भूत्यै । इन्धे । निरिति । वा । दुहति । एकविंशमित्येक-विंशम् । स्तोत्रम् । भवति । प्रतिष्ठित्या इति प्रति - स्थित्यै । हरिवदिति हरि - वत् । शस्यते । इन्द्रस्य । प्रियम् । धाम ।

**42 TS 6.6.11.5****TS 6.6.11.5****Samhita Paata**

-पामोति कनीयांसि वै देवेषु छन्दास्यासन्-ज्याया-स्यसुरेषु ते देवाः कनीयसा छन्दसा ज्यायः छन्दोऽभि व्यशंसन् ततो वै तेऽसुराणां लोकमवृञ्जत यत् कनीयसा छन्दसा ज्यायः छन्दोऽभिविशंसति भ्रातृव्यस्यैव तल्लोकं वृद्धे षडक्षराण्यति रेचयन्ति षड् वा ऋतवं ऋतूनेव प्रीणाति चत्वारि पूर्वाण्येव कल्पयन्ति- [ ]

**Pada Paata**

उपेति॑ । आ॒प्नो॒ति । क॒नीया॑सि । वै । दे॒वेषु॑ । छ॒न्दा॑सि । आ॒सन्न॑ । ज॒याया॑सि । अ॒सुरे॑षु ।  
 । ते । दे॒वाः । क॒नीय॑सा । छ॒न्द॑सा । ज॒यायः॑ । छ॒न्दः॑ । अ॒भि । वी॒ति॑ । अ॒श॑सु॒न्न ।  
 ततः॑ । वै । ते । अ॒सुरा॑णाम् । लो॒कम् । अ॒वृ॒ञ्ज॒त । यत् । क॒नीय॑सा । छ॒न्द॑सा । ज॒यायः॑  
 । छ॒न्दः॑ । अ॒भीति॑ । वि॒श॑सु॒तीति॑ वि - श॑स॒न्ति । भ्रातृ॑व्यस्य । ए॒व । तत् । लो॒कम् ।  
 वृ॒ङ्क्ते । षट् । अ॒क्षरा॑णि । अ॒तीति॑ । रे॒च॒य॒न्ति । षट् । वै । ऋ॒तवः॑ । ऋ॒तून् । ए॒व ।  
 प्री॒णा॒ति । च॒त्वारि॑ । पू॒र्वाणि॑ । अ॒वेति॑ । क॒ल्प॒य॒न्ति ।

## 43 TS 6.6.11.6

### TS 6.6.11.6

#### Samhita Paata

चतु॑ष्पद ए॒व प॒शून्व॑ रु॒न्धे द्वे॑ उ॒त्तरे॑ द्वि॒पद॑ ए॒वाव॑ रु॒न्धे ऽनु॑ष्टु॒भम॑भि॒ सं पा॑दयन्ति॒ वाग्वा॑ अ॒नुष्टु॑प्  
 तस्मा॑त् प्रा॒णानां॑ वा॒गुत्त॑मा॒ संम॑यावि॒षिते॑ सू॒र्ये षो॒डशि॑नः॒ स्तोत्र॑-मु॒पाक॑रोत्येतस्मिन् वै लो॒क इन्द्रो॑  
 वृ॒त्रमे॑हन्थ॒ साक्षा॑दे॒व वज्रं॑ भ्रातृ॑व्याय॒ प्र ह॑र-त्यरु॒णपि॑शङ्गोऽश्वो॒ दक्षि॑णै॒तद्वै॑ वज्र॑स्य रू॒पः स॑मृ॒द्धयै॑ ॥

#### Pada Paata

चतु॑ष्पद इति॒ चतुः-प॒दः । ए॒व । प॒शून् । अ॒वेति॑ । रु॒न्धे । द्वे॑ इति॑ । उ॒त्तरे॑ इत्यु॒त् - त॒रे ।  
 द्वि॒पद॑ इति॑ द्वि - प॒दः । ए॒व । अ॒वेति॑ । रु॒न्धे । अ॒नुष्टु॑भ॒मित्य॑नु - स्तु॒भम् । अ॒भि । स॒मिति॑  
 । पा॒दय॑न्ति । वाक् । वै । अ॒नुष्टु॑बि॒त्यनु॑ - स्तुप् । तस्मा॑त् । प्रा॒णाना॑मिति॒ प्र - अ॒नाना॑म्  
 । वाक् । उ॒त्तमे॑त्यु॒त् - त॒मा । स॒मया॑वि॒षित इति॑ स॒मया॑ - वि॒षिते॑ । सू॒र्ये । षो॒डशि॑नः ।

स्तोत्रम् । उपाकरोतीत्युप - आकरोति । एतस्मिन् । वै । लोके । इन्द्रः । वृत्रम् । अहन् ।  
साक्षादिति स - अक्षात् । एव । वज्रम् । भ्रातृव्याय । प्रेति । हरति । अरुणपिशङ्ग इत्यरुण  
- पिशङ्गः । अश्वः । दक्षिणा । एतत् । वै । वज्रस्य । रूपम् । समृद्ध्या इति सं - ऋद्धयै  
॥